



PAMFLET

685





Den Brief
By Schepenen ende Raet
 der stede van Ghendt / aen den Heere
 van Rhyne gheschreuen.

Belanghende t'verraedt der stede van Den-
 dermonde by Jan van Hembyze ende
 complicen aengherecht.



TOT DELE,
 By Aelbert Hendricz. Drucker Ordinaris
 der Staten Landes van Hollandt.
 M. D. LXXXIIII.



Deel II

By Schepman ende Raet

der Heere van Gheste / van den Heere
van Gheste gheschieden.

Belanghende t'betreft der Heere van Gheste
betreftende by Jan van Gheste ende
compten aengheft.



Tot Delft

By Meester Hendrick. Drucker Dordrecht
der Heere van Gheste van Dordrecht

M. D. LXXIII.

Aen den Leser.

De niemaren van zekere Pacificatie met den vrande aen te gaen / onlanghs by Jan van Hembyze / ende zijne aenhangheren / vuyt eyghensinnicheyt den steden van Ghendt ende Brugge voorgheediegen / zijn al ouer zekeren tijdt door t'gheheele landt door ver- breydt gheweest / die welcke den ghemeynen man diuerschelic heb- ben ingheuallen. Want de verstandichste / en die met een oprecht her- te / zoo de Religie / als den Vaderlande / ende weluaert derseluer zijn toeghedaen / hebben zeer wel connen verstaen ende begripen wat den vrandt daer door was zoekende / namelick de grondlicke vuytroey- inghe ende onderganck van de waere Christelicke Religie / ende om niet t'verlies van slandts Vrijheden ende Priuilegien / tzelue weder- om onder het onverdraghelick iock van den Spaengiaerden te bren- ghen / Daerbeneuen dat het zeker ende ontwijffelick was dat den voorsz. Hembyze / ende aenhangheren / by de vranden omgheset ende ghewonnen waren. De quaetwillighe die midden onder ons schuy- len / aenmerckende t'ghevolch van dese voorgewende Bredehand- linghe / door hemelicken haet / wraeckgiericheyt ende t'quaet herte / dat zy de Religie en ghemeyne sake zijn draghende / maekten ouer al groot ghewagh van zoo schoon eenen paps / den luyden veel wonders daer van belouende / Zoo dat veele onwetende ende onstandvastighe luyden / hen latende bedrieghen ende verleyden / door t'schoon voor- gheuen vanden voorsz. Hembyze ende quaetwillighe / niet ouerleg- ghende in wat valstricken zy door t'middel van denzeluen eyndelick zouden gheraken te comen / begonnen alreede eenichsins daer nae te luyfteren. Maer nu / zeer gheliefde Lezer / zult ghy vuyt deze hier by ghedruckte Miffiue vanden Magistraet der stede van Ghendt / aen den Heere van Nijhoue gheschreuen / claerlick comen sien en be- merken /

mercken/ Waer toe dat alle de aenflaghen van den voorsz Nembry-
ze/ende zijne medeghenooten/ onder den schijn van eenen vermom-
den paps waren streckende/ Daerenbouen oft het wel mogelick had-
de gheweest de stadt van Senremonde ende andere/ comende by
zulck middel ende verradelick ouergheuen in handen vanden brandt/
de schoone Kercken tegenwoordelick in dezen Landen florierende/lan-
gher te moghen verhoeden voor hare eyndtelicke verwoestinghe
ende verderffnisse/ Ende oft het niet veel eer en was den rechten
wech ende middel/ om met verlies der Keligie/ wederom in de ty-
rannige slavernije/ en gruwelicke Inquisitie vande Spaengiaerden
te vernallen: Metgaders zult by v zeluen wel connen afnemen/ zon-
der dat noodich is tzelue alhier te verhalen/ hoe neerstelick datmen
hem voortaeu ouer al zal hebben te wachten/ van alsoodanighe par-
ticuliere handelinghen ende tractaten met den brandt/ om te verhoe-
den alle scheuringhen inden Lande/ vuyt den welcken wy niet an-
ders en hebben te verwachten/ dan de vuyterlicke verderffnisse
desseluen/ Afslaende tot dien eynde alle t'ghene by de Steden oft
Prouincien int particulier zoude moghen voorgheuen worden/
Ende hier vuyt een exempel nemende/ wat schoone vruchten vuyt
zoodanighe handelinghe (in wat manieren datmen se ineynt te be-
kleyden) ghewoonlick plegghen te spruyten.

Den Brieſ by Schepenen

ende Raedt der ſtede van Ghendt / aen
den Heere van Ryhoue ghe-
ſchreuen.

M Dele ende Weerde Heere : Alsoo
als hedent ontdeckt es deur de ghenade des
Heeren een afgrijsich verraet / op de Ste-
de van Dermonde / soo deur de pontons /
Galleyen ende andere schuytkens / de wel-
ke de Voorſchepene Hembryze / desen voorleden nacht
meynde wt deser ſtede gheschickt t'hebbene aenden Hee-
re van Montigny tot Wettere / als oock by twee diuer-
sche brieuen / gheschreuen wt der ſtede van Dermonde
selue / aenden voorſz Heere van Montigny / de welcke hy
alhier binnen deser ſtede met den trompette gheschickt
heeft / aen eenen Capiteyn Segura alhier Oſtagier / De
welcke metten voorſchreuen Voorſchepene ende den Ca-
piteyn Nozck zijn vanden voorſeyden ſeyte ende entre-
prinſe / soo uwe E. breeder byde Copijen vanden brie-
uen hier mede gaende ſal verſtaen / Het hadde gheschiet
den voorleden nacht / nemaer om eenighe beletſelen
die den Heere van Montigny ſeyt ghehadt t'hebbene /
Soo is tselue wtgheſtelt voor desen ſtaenden nacht / De
Leutenant van Sethon ende ander hebben dese ſaecke
aenghegrepen te volkommen / henlieden verſekerende van
een goede recompense van zijne Ma^r. soo uwe E. wte
voorſz

doorſchreuen copien verſtaen zult / Biddende daerom-
me uwe E. hem vertueuselick teghens ſulcke aenſlaghen
te ſtellen / ende hem vanden verraders van binnen te ver-
ſekeren. Het wt nemende haeften / Tot Ghendt in
den auont den xiiij^{en}. Martij. 1584.

V. E. goede vrienden Schepenen ende
Raedt der ſtede van Ghendt.

Onderteeckent L. Heylinck.

D'opgheschrift vvas,

Aen mijnen Heere / Mijnen Heere van Ryhouen
Gouuerneur der ſtede van Denremonde: Ende was
metten ſeghele der voornoemden ſtede van Ghendt be-
ſeghelt.



